

საჯარო სამართლის იურიდიული პირი
ილიას სახელმწიფო უნივერსიტეტი
მეცნიერებათა და ხელოვნების ფაკულტეტი



ბრძანება

N 1416-03
26/07/2021

ქ. თბილისი

2021-2022 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამებზე სწავლის გაგრძელების მსურველთა მიერ წარმოსადგენი დოკუმენტაციის, საბუთების მიღებისა და შიდასაუნივერსიტეტო გამოცდების თარიღების დამტკიცების შესახებ

უმაღლესი განათლების შესახებ საქართველოს კანონის 29-ე მუხლის მე-3 პუნქტის „ე“ ქვეპუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების 26-ე მუხლის მე-3 პუნქტის საფუძველზე, ილიას სახელმწიფო უნივერსიტეტის რექტორის 2021 წლის 23 ივლისის N 1408-03 ბრძანების გათვალისწინებით

ვბრძანებ

1. ილიას სახელმწიფო უნივერსიტეტის რექტორის 2021 წლის 23 ივლისის N 1408-03 ბრძანებით, 2021-2022 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამებზე გამოცხადებული მიღების ფარგლებში, მაგისტრანტობის კანდიდატებმა უნდა გააკეთონ ელექტრონული განაცხადი 2021 წლის 16 აგვისტოდან 27 აგვისტოს 18:00 საათამდე, რეგისტრაციის ბაზის საშუალებით შემდეგ ბმულზე:
<https://argus.iliauni.edu.ge/ka/registration/masters>

2. 2021-2022 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამებზე სწავლის გაგრძელების მსურველთა მიერ წარმოსადგენი დოკუმენტაციის, საბუთების მიღების, შიდასაუნივერსიტეტო გამოცდების თარიღებისა და პროგრამებზე მიღების მოთხოვნების შესახებ ინფორმაცია და შეფასების სისტემის დოკუმენტები განთავსდეს ილიას სახელმწიფო უნივერსიტეტის ვებ-გვერდზე არაუგვიანეს 11 აგვისტოსი, ხოლო დეტალური ინფორმაცია მაგისტრანტობის კანდიდატთა სიების, გამოცდების ზუსტი თარიღებისა და საგამოცდო აუდიტორიების მითითებით - არაუგვიანეს 30 აგვისტოსი;

3. 2021-2022 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების სამაგისტრო საფეხურზე სწავლის გაგრძელების მსურველი, რეგისტრაცია გავლილი კანდიდატებისათვის შიდასაუნივერსიტეტო საგამოცდო პერიოდი განისაზღვროს 2021 წლის 1 სექტემბრიდან 15 სექტემბრის ჩათვლით;

4. 2021-2022 სასწავლო წლის შემოდგომის სემესტრისათვის ილიას სახელმწიფო უნივერსიტეტის მაგისტრატურაში სწავლის გაგრძელების მსურველებს შიდასაუნივერსიტეტო გამოცდები, გარდა შემდეგი პროგრამებისა: გამოყენებითი უცხო ენები და საერთაშორისო მოლაპარაკებები/ეკონომიკა (ევროპული-რუსული-აღმოსავლური), თანამედროვე საქართველოს ისტორია (ინგლისური ენის ტესტირება), უცხო ენათა ფილოლოგია (ანგლისტიკა, გერმანული ფილოლოგია, რომანული ფილოლოგია) და შედარებითი ლიტერატურათმცოდნეობის რომანული ფილოლოგიის მიმართულება, ჩაუტარდებათ დისტანციურად, პროგრამა ზუმისა და პლატფორმა Elearning-ის გამოყენებით.

5. გამოცდებგავლილ მაგისტრანტობის კანდიდატთა შეფასებები, საიდენტიფიკაციო კოდის მითითებით, განთავდეს უნივერსიტეტის ვებ-გვერდზე 2021 წლის 10 სექტემბერს;

6. მაგისტრანტობის კანდიდატმა საპრეტენზიო განაცხადი ილიას სახელმწიფო უნივერსიტეტის მეცნიერებათა და ხელოვნების ფაკულტეტის მიერ ჩატარებული გამოცდის შედეგების შესახებ უნდა გადმოაგზავნოს 2021 წლის 11 სექტემბერს - 10:00 საათიდან 00:00 საათამდე შემდეგ ელექტრონულ ფოსტაზე graduateschool@iliauni.edu.ge;

7. ინფორმაცია პროგრამების მიხედვით სააპელაციო გამოცდების განრიგის და ადგილმდებარეობის შესახებ განთავსდეს უნივერსიტეტის ვებ-გვერდზე 2021 წლის 13 სექტემბერს;

8. საპრეტენზიო განაცხადების განხილვა და განმეორებითი გამოცდები განხორციელდეს 2021 წლის 14-15 სექტემბერს;

9. 2021 წლის 16 სექტემბერს საზოგადოებასთან ურთიერთობის სამსახურს მიეწოდოს გამოცდებგავლილ მაგისტრანტობის კანდიდატთა შეფასებები, აპელაციის შედეგების გათვალისწინებით, საიდენტიფიკაციო კოდის მითითებით და ასევე რეიტინგული სია, უნივერსიტეტის ვებ-გვერდზე განთავსების მიზნით;

10. ხელშეკრულებების გაფორმება მაგისტრანტობის იმ კანდიდატებთან, რომლებმაც წარმატებით გაიარეს ერთიანი სამაგისტრო და შიდასაუნივერსიტეტო გამოცდები და რეიტინგული სიის მიხედვით მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება, განხორციელდეს 2021 წლის 17 სექტემბრიდან 2021 წლის 21 სექტემბრის ჩათვლით, 10:00 საათიდან 18:00 საათამდე A 101 აუდიტორიაში (მისამართი: ილია ჭავჭავაძის გამზ. N32)

ა) ძირითადი სიის წარმომადგენლებთან ხელშეკრულების გაფორმება იწარმოებს 17 და 18 სექტემბერს

ბ) სათადარიგო სიის წარმომადგენლებთან ხელშეკრულების გაფორმება იწარმოებს 20 და 21 სექტემბერს.

11. მაგისტრანტობის კანდიდატმა ხელშეკრულების გასაფორმებლად უნდა წარმოადგინოს რეგისტრაციის ბაზაში ატვირთული ყველა დოკუმენტი და დამატებით ქვემოთ ჩამოთვლილი დოკუმენტები, ასევე, თან უნდა იქონიოს პირადობის დამადასტურებელი დოკუმენტის ორიგინალი:

ა) უმაღლესი განათლების დამადასტურებელი დოკუმენტის - დიპლომის საწოტარო წესით დამოწმებული ასლი. უცხოეთში მიღებული უმაღლესი განათლების შემთხვევაში - განათლების ხარისხის განვითარების ეროვნული ცენტრის მიერ გაცემული განათლების აღიარების დოკუმენტი;

ბ) მაგისტრანტობის კანდიდატმა, რომელსაც უმაღლეს საგანმანათლებლო დაწესებულებაში ჩარიცხვის მომენტისათვის არ გააჩნია კანონმდებლობით დადგენილი წესით აღიარებული აკადემიური უმაღლესი განათლების დამადასტურებელი დოკუმენტი - დიპლომი, წარმოადგინოს უმაღლესი საგანმანათლებლო დაწესებულების მიერ ბაკალავრის აკადემიური ხარისხის მინიჭების თაობაზე გაცემული ცნობა, სადაც მითითებულ უნდა იყოს კვალიფიკაციის მინიჭების შესახებ გადაწყვეტილების (ოქმის) ნომერი და თარიღი, იმ პირობით, რომ ჩარიცხვიდან ერთი სემესტრის დასრულებამდე წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს - დიპლომს;

გ) ხელშეკრულებაზე ხელმოწერის მიზნით საბუთების მინდობილი პირის მიერ წარმოდგენის შემთხვევაში, მინდობილმა პირმა უნდა წარმოადგინოს საწოტარო წესით გაფორმებული მინდობილობა;

დ) ფაკულტეტების/სკოლის მოთხოვნის შემთხვევაში სსიპ განათლების ხარისხის განვითარების ეროვნული ცენტრის მიერ გაცემული საგანმანათლებლო დოკუმენტის ნამდვილობის დადასტურების დოკუმენტი;

ე)1 ცალი ფოტოსურათი ზომით 3X4

12. უნივერსიტეტის კანცელარიას დაევალოს, მიაწოდოს ამ ბრძანების ასლები რექტორის სამდივნოს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, მეცნიერებათა და ხელოვნების ფაკულტეტს.

გიორგი გვალია

დეკანი

